



Ministerie van Onderwijs, Cultuur en
Wetenschap

Studia na Hulanda Oropeo

Informashon pa alumno ku ta bai hasi eksámen final
i pa studiante ku residencia na Hulanda Karibense

Pa wak e informashon
i animashon onlain
skên e QR-code





Eskoho di estudio

E foyeto akí ta kontené informashon tokante eskoho di estudio, tokante bo eskoho di estudio, tokante inskripshon i tokante asuntunan finansiero. Hopi éksito ora di hasi bo eskoho!

Orientá bo mes bon

Bo ta bai studia na un roc, skol pa enseñansa profeshonal superior òf universidat? E ora ei bo tin hopi eskoho. E ta bira un estudio di enseñansa profeshonal sekundario, un 'hbo-associate degree' òf bachelor hbo òf wo? Of bo ta skohe un estudio dòbel, kaminda bo ta kombiná trabou ku estudio? Orientá bo mes bon i deliberá bo eskoho ku bo dosentenan, dekanu, mèntòr, bo guia di karera di estudio, amigunan, mayor- òf mayor(nan) di kriansa. Bishitá dianan habrí, bai hasi un estudio di prueba (si bo tin e posibilidat ei) i partikularmente hasi hopi pregunta, por ehèmpel na studiantenan ku ya tin eksperensia ku estudio na Hulanda Oropeo. Tira bista un bia tambe riba e wèpsaitnan di roc-, skol- pa enseñansa profeshonal superior i universidatnan. Tin bia sa ofresé aktividatnan online tambe.

Riba **studiekeuze123.nl** bo por kompará estudionan ku otro i bo ta haña tep, eksperensia i 'tools' útil. Tin informashon tokante contenido di estudionan, dianan habrí (online), satisfakshon di studiantenan i kiko bo por hasi ku un estudio riba merkado laboral. Tambe tin tep pa mayor- òf mayornan di kriansa, di manera ku nan por yuda bo. Si bo ta konsiderando un estudio mbo, wak e ora ei riba **www.kiesmbo.nl**.

Tin un página apart tambe pa futuro studiantenan di e parti karibense di Reino: **www.studiekeuze123.nl/caribisch**.

Chèk e eksigensianan di atmishon

Pa algun estudio bo mester tin sierto profil òf sierto materia. Nan ta riba e wèpsait di e universidat òf skol pa enseñansa profeshonal superior. Bo tin un diploma mbo? E ora ei hopi bia tin otro eksigensianan ku pa esnan ku ta bin di enseñansa avansá. Chèk esakinan riba e wèpsait di e skol pa enseñansa profeshonal superior òf universidat. Bo kier bira maestro di enseñansa básiko? Wak e ora ei riba **goedvoorbereidnaardepabo.nl** pa e eksigensianan di atmishon i kon pa prepará bo mes pa esei.

Chèk si tin eksigensianan di selekshon

Estudionan manera Medisina hopi bia tin un kantidat di lugá limitá (*numerus fixus*). Den kaso ku tin demasiado registrashon, ta tene un sorteo òf un otro forma di selekshon. Otro estudionan ta selektá a base di eksigensianan profeshonal òf pa motibu ku bo mester tin sierto abilitatnan pa esei, manera estudionan di arte. Wak pa eksigensianan di selekshon riba e wèpsait di e estudio. Riba **studiekeuze123.nl/opleidingen** tin un resúmen kompletu.



Bo kier sa kiko bo tin derecho riba dje i kiko bo mester regla si bo ta bai studia?



Skèn e QR-code òf wak riba rijksoverheid.nl/studeren pa un resúmen personal.

Skolnan hulandes pa enseñansa profeshonal superior i universidatnan mester tene kuenta ku situashon di e futuro studiantenan di e parti karibense di Reino ora nan ta selektá, por ehèmpel ofresiendo posibilidat pa partisipá riba distansia na e proseduranan di selekshon. Tuma kontakto tokante esaki ku e instituto di enseñansa konserní.



Registrá

Registrá bo mes na tempu

Registrá bo mes mas rápido posibel via **studielink.nl**. Por hasi esei for di **1 di òktober 2024** kaba. Pa estudionan ku selekshon (*numerus fixus*) bo mester registrá pa mas tardá **15 di yanüari 2025 (promé ku 7'or di anochi ora karibense)**.

Riba e wèpsait di e skol pa estudio profeshonal superior òf universidat tin e último fechanan di inskripshon pa demas estudionan ku selekshon (manera estudionan di arte). Paga bon tinu: e último fecha di inskripshon por ta promé ku **15 di yanüari 2025** kaba. Pa demas estudio ta mihó bo inskribí promé ku **1 di mei 2025 promé ku 6'or di atardi ora karibense**. Wak pa mas informashon riba studiekeuze123.nl/aanmelden-voor-1-mei.

Hasi un chekeo di eskoho di estudio

Bo a inskribí bo mes na tempu via Studielink? E ora ei bo tin derecho riba un chekeo di eskoho di estudio, pa wak si e estudio ta pas ku bo. E chekeo di eskoho di estudio tin biaha ta obligatorio.

E chekeo di eskoho di estudio mayoria bia ta un kombersashon, un kolegio di prueba ku un tèst òf un kuestionario. Despues bo ta haña feedback i un konseho. Bo no ta mará na e konseho si bo a registrá bo mes promé ku 1 di mei. Pues den kaso di un konseho negativo tambe bo tin mag di start ku e estudio. Ta prudente e ora ei si pa pensa bon si e estudio ta pas realmente ku bo. Si bo a registrá bo mes promé ku 1 di mei, t'asina ku bo por kambia ainda di estudio.

Bo a registrá bo mes pa promé bia pa un estudio despues di 1 di mei? E ora ei si e konseho di e instituto edukashonal por ta obligatorio.

Si bo ta biba den e parti karibense di Reino, e ora ei e instituto di enseñansa ta obligá di duna bo e oportunidat, , pa tene e kombersashon akí na distansia di forma digital, si bo ta deseá esei. Tuma kontakto tokante esaki ku e instituto.

Lesatur kos tokante e chekeo di eskoho di estudio riba **studiekeuze123.nl/**
[studiekeuzecheck](https://studiekeuzecheck.nl/).

Areglo pa promé aña

Bo ta bin di mbo i bo kier purba un estudio na un skol pa enseñansa profeshonal superior? E ora ei tin un arreglo pa promé aña mas amplio na vigor. Si bo stòp den e promé aña, bo no tin mester di paga bo beka básiko bèk, beka komplementario i produkto di biaha pa studiante. Wak pa e kondishonnan riba **duo.nl/eerstejaarsregeling**.

Sosten adishonal?

Studiantenan karibense por haña nan mes ku problema na komienso di nan estudio na Hulanda Oropeo. Tin bia esakinan ta opstákulonnan práktiko manera petishon pa seguro di kuido, tin biaha ta pa motibu di e idioma i kultura. Tambe por ta fèrfelu pa haña un lugá di biba. P'esei di parti di por ehèmpel gobièrnu i otro instanshanan partikular ta ofresiendo ayudo òf guia na studiantenan di Hulanda Karibense den e pase pa Hulanda Oropeo.

Via Rijksdienst Caribisch Nederland (RCN) bo por duna di konosé tambe por ehèmpel ora di hasi petishon pa un kompesashon di inisio si bo kier hasi uzo di e guia gratis di parti di e organisashon TuranGoeloe. Wak pa mas informashon tokante e kompensashon pa inisio tambe e párafo Finansiamentu di estudio i e wèpsait **rijksdienstcn.com/opstarttoelage**. Pa prepará bo mes bon riba e kambio, ta importante pa pidi konseho serka e dekanu di bo skol i pa papia ku amigu- i otronan ku anteriormente a sigui un estudio na Hulanda Oropeo. Nan por kompartí nan eksperensia ku bo i duna bo tep.

Skolnan pa enseñansa profeshonal superior i universidatnan ta brinda sosten den kaso di problema visual òf otro limitashon funshonal, disleksia i problemanan síkiko. Tambe bo por risibí sosten si bo tin tareanan di kuido òf ta praktiká deporte na nivel haltu. E institutonan gustosamente ta yuda bo buska un solushon adekuaado. Tuma kontakto si tokante bo situashon, hopi mas promé ku bo inisiá ku bo estudo.

Riba **hogeronderwijstoegankelijk.nl** tin mas informashon.

Inskripshon definitivo

Bo ta inskribí difinitivamente solamente si lo siguiente ta na òrdu:

1. Bo a logra bo diploma, òf a finalisá e tèst 21+ ku éksito.
2. Bo a duna e skol pa enseñansa profeshonal superior òf universidat apoderashon pa kita e plaka di kolegio.
3. Bo a kumpli ku eventual otro kondishonnan.

Bo ta risibí notifikashon tokante esaki via Studielink.

Pèrkurá pa regla tur kos **promé ku 1 di sèptèmber**.



Asuntunan finansiero

Regla finansiamentu di estudio

Pidi finansiamentu di estudio riba **duo.nl/cariben**. Den hbo i wo tambe bo tin derecho riba finansiamentu di estudio si ainda bo no tin 18 aña. Pidi bo finansiamentu di estudio minimal 8 siman promé ku bo tin intenshon di kuminsá ku esaki. E ora ei bo sa sigur ku bo ta disponé na tempu di bo plaka i bo produkto di biahe pa estudiante.

Finansiamentu di estudio ta konsistí di diferente komponente, ku bo por pidi apart:

- Beka básiko
- Beka adishonal
- Produkto di biahe pa estudiante
- Fiansa ku interes
- Fiansa pa plaka di kolegio

Pa skolnan di enseñansa profeshonal superior i universidat e beka básiko, e beka adishonal i e produkto di biahe pa estudiante ta bekanan di prestashon. Esaki ta nifiká ku si bo logra bo diploma denter di 10 aña, ta konvertí nan den un donashon. Si esei no logra, bo tin ku paga tur kos bèk e ora ei, ku interes. Semper bo mester paga un fianza ku interes i un fianza pa plaka di kolegio bèk, ku interes. Tur e kondishonnan ta riba duo.nl.

E beka básiko

Kon haltu beka básiko ta, ta dependé di bo situashon di biba. Bo ta bai biba aweró serka (un di) bo mayornan? E ora ei bo ta bibando na kas. Bo no ta bibando serka bo mayor(nan)? E ora ei bo ta bibando pafó di kas. E beka básiko ta mas haltu ora bo ta bibando pafó di kas. Riba e wèpsait di DUO bo ta haña tambe un foyeto tokante finansiamentu di estudio, trahá spesialmente pa studiantenan di e parti karibense di Reino. E foyeto akí ta disponibel tambe na papiamentu i ingles.

Un beka adishonal

Riba e beka básiko, kisas bo por haña un beka adishonal. Nos ta konsehá bo pa sèmper pidi un beka adishonal. Aplikashon ta un biaha so. Despues DUO ta kalkulá kada aña si bo ta bin na remarke pa esei. E beka adishonal ta dependé di entrada di bo mayornan. Tambe ta tene kuenta ku e kantidat di yu ku bo mayornan ta kuida pe i si bo mayornan ta pagando un debe di estudio bèk.



Tep: riba duo.nl/meerdanlenen tin un resúmen útil di kiko un estudio ta kosta, kon otro studiantenan ta yega na plaka i kuantu finansiamentu di estudio bo por haña. Tambe bo por kalkulá riba watkoststuderen.nl i riba duo.nl/rekenhulp kuantu bo estudio ta kosta i kon bo ta paga esei.

E produkto di biahe pa studiante

Ku e produkto di biaha pa studiante bo ta biaha liber na Hulanda Oropeo ku transporte públiko. Bo por skohe pa un abono den siman òf wikènt.

Fiamentu i un fiansa di sèn di kolegio

Bo no ta logrando finansieramente? E ora ei bo por hasi un fiansa adishonal serka DUO. Kada luna bo por adaptá e suma ku bo ta fia. Interes riba e fiansa ta kuminsá kore for di e luna despues ku bo risibí e fiansa. Ta stipulá e porsentahe di interes anualmente durante bo estudio i e por diferensιά pa aña.

Si bo fia, bo ta akumulá un debe di estudio. E debe ei bo tin ku paga bèk ku interes despues di bo estudio den término mensual, partí den 35 aña. Ora di paga bo debe di estudio bèk, ta tene kuenta ku bo entrada. Si bo no tin, òf bo entrada ta muchu tiki, e ora ei bo ta paga ménos òf no ta paga nada bèk. Bo por pidi un fiansa tambe na DUO pa paga bo sèn di kolegio, e fiansa pa sèn di kolegio. Esei tambe bo tin ku paga bèk, ku interes, despues di bo estudio. DUO ta organisá diferente webinar spesial pa studiante i esnan ku tin ku paga bèk di e área karibense. Bo ta haña esakinan riba duo.nl/cariben bou di e título 'Webinars en rekenhulpen'

Kompensashon di inisio via Rijksdienst Caribisch Nederland (RCN)

Si bo ta bai studia na Hulanda Oropeo e ora ei bo ta haña bo ku gastunan adishonal, manera un pasashi ku avion, bo mester kumpra un baikel i kumpra paña diki pa wenter. P'esei bo por risibí un suma úniko di Finansiamentu di Estudio di RCN pa paga e gastunan akí. Ta yama esaki e kompensashon di inisio. E ora ei bo por skohe tambe pa guía den e promé aña; si bo hasi uzo di e kompensashon di inisio e guía ei ta grátis.

E kompensashon di inisio ta konsistí di un beka di prestashon i un eventual fiansa. Si bo logra bo diploma denter di 10 aña na e universidat òf skol pa enseñansa profeshonal superior, e ora ei bo no mester paga e beka di prestashon bèk. E parti di fiansa si sèmpre bo tin ku paga bèk. Riba www.rijksdienstcn.com/opstarttoelage bo ta haña mas informashon tokante e kompensashon di inisio.

Finansiamentu di estudio área karibense

Bo ta bai sigui un estudio na Hulanda Karibense, Kòrsou, Aruba, Sint Maarten, Merka, Canada òf den region karibense? E ora ei bo por haña Finansiamentu di estudio BES via Finansiamentu di estudio di RCN i no serka DUO. Finansiamentu di estudio BES ta konsistí di un beka di prestashon i eventual fiansa.

Si bo logra bo diploma denter di 10 aña na e universidat òf skol di enseñansa profeshonal superior, e ora ei bo no tin ku paga e beka di prestashon bèk. E parti di fiansa si sèmpre bo tin ku paga bèk. Mas informashon tokante finansiamentu di estudio BES bo ta haña riba www.rijksdienstcn.com/studiefinanciering.



Mudansa pa Hulanda Oropeo

Number di servisio sivil (Burgerservicenummer)

Bo a hasi un petishon di finansiamentu di estudio pa un estudio na Hulanda? Bo tin nashonalidat hulandes i bo no tin un Number di servisio sivil (BSN) ainda? E ora ei bo ta risibí un BSN momentu ku bo apliká pa un finansiamentu di estudio. Ku bo BSN bo por kuminsá regla algun asuntu na Hulanda, asta si bo no ta na Hulanda ainda.

DigiD: bo yabi serka gobièrnu

Ku bo BSN, bo por pidí un DigiD. DigiD ta e manera ku gobièrnu ta usa pa 'log in' online. Bo tin mester di bo DigiD pa entre otro bo produkto di biaha pa estudiante i pa 'log in' riba Mijn DUO. Mas informashon tokante kon pa apliká i aktivá bo DigiD for di e área karibense bo ta haña riba www.digid.nl/buitenland.

Kita nòmber for di registro sivil

Promé ku bo biaha pa Hulanda Oropeo, bo mester laga kita bo nòmber na registro sivil di e isla kaminda bo ta biba. Bo ta hasi esaki denter di 10 dia promé ku bo biaha, na e sekshon di Registro Sivil òf Census Office. Inskribí bo mes denter di 5 dia despues ku bo yega Hulanda Oropeo na e munisipio kaminda bo ta bai biba. Wak pa mas informashon riba rvig.nl/Informatieblad-studenten-Caribisch-Nederland.





Planifikashon

Na e momentunan akí

Buska informashon i partisipá na e aktividatnan di **eskoho di estudio (online)** di skolnan di enseñansa profeshonal superior òf universidat, manera dlanan habrí, ‘meeloopdagen’, kursonan di zomer.

Bo tin mester di un **DigiD**. Petishonnan ta dura en todo kaso un siman. Apliká mésora pues asina ku bo tin un BSN, pa bo no haña bo den pèrtá despues.

**Entrante
1 di òktober 2024**

Registrá bo mes via Studielink.

**Pa mas tardá
15 di yanüari 2025**

Chèk ku e instituto pa **registrashon ku numerus fixus**.

**15 di yanüari -
1 di mei 2025**

Ultimo **fechanan pa registrashon pa demas estudionan ku selekshon**. Pa seguridat wak riba e wèpsait di e skol di enseñansa profeshonal superior òf universidat pa e último fecha di registrashon.

15 di aprel 2025

Si bo a registrá bo mes pa un estudio ku un kantidat di lugá limitá (*numerus fixus*), bo ta risibí un **number di sekuensia**. Si bo haña lugá, bo mester aseptá esaki denter di 2 siman.

**Pa mas tardá
1 di mei 2025**

Registrá pa tur sobrú estudio.

**Registrashon temporal
i 31 di ougùstùs 2025**

E skol di enseñansa profeshonal superior òf universidat ta ofresé bo un chekeo di eskoho di estudio, pa wak si e estudio ta pas bon ku bo. Despues ainda bo por kambia di estudio. Bo a hasi un eskoho definitivo? Inscribí bo mes e ora ei pa e estudio. Bo mester tin lo siguiente na òrdu:

- Bo a logra bo diploma.
- Bo a manda bo datonan di pago den Studielink (bo ta risibí un mensahe al respekto).
- Bo ta kumpli ku eventual obligashonnan ku e skol di enseñansa profeshonal superior òf universidat a informá bo di dje.

Yüni 2025

Pidi finansiamentu di estudio i/òf produkto di biaha pa estudiante. Na e momentu ei lo bo risibí un number di servisio sivil (BSN) tambe.

Despues di risibí BSN

Bo tin mester di un **DigiD** pa asuntunan ku tin ku regla na Hulanda. Apliká adelantá pa bo DigiD for di Hulanda Karibense.

**Fin di yüli/komienso
di ougùstùs**

Salida konhunto di e alumnonan ku ta bai Hulanda Oropeo bou di guia di TuranGoeloe pa un estudio na nivel di mbo, hbo òf wo.

Fin di ougùstùs

Introdukshon na e skol di enseñansa profeshonal superior òf universidat.

1 di sèptèmber 2025

Inisio di bo estudio nobo!

I fecha ku bo produkto di biahe pa estudiante ta inisiá.

Fin di sèptèmber 2025

Bo ta risibí bo finansiamentu di estudio.